

BOSNA I HERCEGOVINA
FEDERACIJA BOSNE I
HERCEGOVINE
UNSKO-SANSKI KANTON
MINISTARSTVO UNUTRAŠNJIH
POSLOVA



BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA-SANA CANTON
MINISTRY OF THE INTERIOR

UPRAVA POLICIJE

Broj: 05-04/06-11-87/23/RS
Datum: 30.01.2023. godine

Na osnovu člana 14. stav 1., člana 17. stav (3) i stav (4), člana 18. stav 1., i člana 25. Zakona o javnim nabavkama BiH („Službeni glasnik BiH“, broj 39/14 i 59/22), te člana 26. i člana 27. stav (3) Zakona o unutrašnjim poslovima Unsko-sanskog kantona (“Službeni glasnik USK-a”, broj 13/16 i 16/17), načelnik Sektora kriminalističke policije Uprave policije MUP USK-a **d o n o s i** :

POSEBNU ODLUKU
o pokretanju postupka nabavke usluga
obaveznog i kasko osiguranja vozila sa osiguranjem putnika
za 2023. godinu

Član 1.

Odobrava se pokretanje postupka javne nabavke usluga obaveznog osiguranja od odgovornosti za štete pričinjene trećim licima i kasko osiguranja novonabavljenih službenih motornih vozila sa osiguranjem putnika (32 vozila) Uprave policije MUP USK-a za 2023. godinu.

Član 2.

Procijenjena vrijednost javne nabavke bez PDV-a iznosi do 40.000,00 KM (četrdesethiljada i 00/100 KM).

Javna nabavka će biti provedena putem otvorenog postupka u skladu sa Zakonom o javnim nabavkama BiH („Sl. glasnik BiH“, broj 39/14 i 59/22), podzakonskim i internim aktima.

Zakonski osnov za provođenje postupka javne nabavke predstavlja član 25. Zakona o javnim nabavkama.

Član 3.

Za provođenje javne nabavke sredstva su planirana DOB-om (Dokumentom okvirnog budžeta) USK-a za period 2023.-2025. godina, Zaključak Vlade USK-a broj: 03-017-4763/2022 od 01.07.2022. godine.

Nabavka će se finansirati iz sredstava budžeta Uprave policije MUP USK-a za 2023. godinu, sa ekonomskog koda 613800 – Izdaci osiguranja, bankarskih usluga i usluga platnog prometa.

Član 4.

Oznaka i naziv iz JRJN (Jedinstveni rječnik javne nabavke):

66514110-0 Usluge osiguranja motornih vozila

66512000-2 Usluge osiguranja od nezgode i usluge zdravstvenog osiguranja

Predmet nabavke nije podijeljen na lotove. Predviđa se zaključenje okvirnog sporazuma sa jednim ponuđačem sa periodom trajanja do kraja 2023. godine.

Član 5.

Za realizaciju ove Odluke zadužuje se Sektor za materijalno – finansijske poslove i informacijsko – komunikacijske tehnologije, Odsjek za materijalno opremanje i komercijalne poslove Uprave policije MUP USK-a.

Član 6.

Otvaranje i ocjenu ponuda sprovest će Komisija za javne nabavke Uprave policije MUP USK-a, imenovana Rješenjem broj: 05-04/04-2-30-463/22 od 26.07.2022. godine. Sastav i djelokrug rada Komisije utvrđen je Rješenjem.

Član 7.

Ova odluka stupa na snagu danom donošenja.

Obrazloženje

Pri donošenju Odluke o pokretanju postupka za nabavku usluga obaveznog i kasko osiguranja vozila sa osiguranjem putnika u toku 2023. godine, Uprava policije MUP USK-a se posebno rukovodila činjenicom da je predložena nabavka neophodna kako bi se izvršila nabavka usluge osiguranja za nova službena vozila koja će biti isporučena u toku 2023. godine na osnovu zaključenog okvirnog sporazuma.

Sredstva za ovu nabavku će biti obezbijeđena iz budžeta Uprave policije MUP USK-a za 2023. godinu, ekonomski kod 613800 – Izdaci za osiguranje, bankarske usluge i usluge platnog prometa.

Procijenjena vrijednost nabavke je realna uzimajući u obzir utrošena sredstva za ovu vrstu nabavke u prethodnim godinama. S obzirom da je prethodno proveden konkurentski zahtjev za dostavljanje ponuda za predmetne usluge, a postupak javne nabavke novih vozila nije bio okončan, te u vezi s tim 32 novonabavljena vozila nisu mogla biti obuhvaćena prethodnim postupkom nabavke usluga osiguranja, Ugovorni organ će provesti otvoreni postupak za predmetnu nabavku.

Članom 17. stav (1) Zakona o javnim nabavkama BiH („Službeni glasnik BiH“, broj 39/14 i 59/22) predviđeno je da ugovorni organ započinje postupak javne nabavke ako je nabavka predviđena u planu nabavki. Izuzetno od stava (1) ovog člana, za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki. Posebna odluka o pokretanju postupka javne nabavke sadrži podatke iz Plana nabavki.

S obzirom da je predmetni postupak nabavke pokrenut ranije, a nije donešen Plan nabavki Uprave policije za 2023. godinu, Ugovorni organ je donio posebnu odluku o pokretanju postupka javne nabavke u skladu sa članom 17. Zakona o javnim nabavkama BiH.

Po procjeni Sektora za materijalno-finansijske poslove i informacijsko-komunikacijske tehnologije utvrđeno je da je ova odluka osnovana, odnosno da su stečeni svi potrebni uslovi za odlučivanje.

Na osnovu utvrđenog činjeničnog stanja, odlučeno je kao u članu 1. ove odluke.

Dostavljeno:

1. Komisija za javne nabavke Uprave policije MUP USK-a

2. Sektor za materijalno-finansijske poslove i IKT (za objavu)

3. a/a



NACELNIK SEKTORA
KRIMINALISTIČKE POLICIJE
samostalni inspektor

Jusuf Mešić